

VENDIM
Nr.335, datë 22.4.2020

**PËR DISA NDRYSHIME DHE SHITESA NË VENDIMIN NR.967, DATË 25.10.2013,
TË KËSHILLIT TË MINISTRAVE, “PËR MËNYRËN E ORGANIZIMIT E TË
FUNKSIONIMIT TË KOMITETIT TË MENAXHIMIT TË INTEGRUAR TË
MBETJEVE”**

Në mbështetje të nenit 100 të Kushtetutës dhe të nenit 15, të ligjit nr.10463, datë 22.9.2011, “Për menaxhimin e integruar të mbetjeve”, të ndryshuar, me propozimin e ministrit të Turizmit dhe Mjedisit, Këshilli i Ministrave

VENDOSI:

Në vendimin nr.967, datë 25.10.2013, të Këshillit të Ministrave, bëhen këto ndryshime dhe shtesa:

1. Pika 2 ndryshohet, si më poshtë vijon:

“2. Komiteti i Menaxhimit të Integruar të Mbetjeve kryesohet nga zëvendësministri që mbulon çështjet e mjedisit dhe në përbërje ka këta anëtarë:

- a) Zëvendësministrin që mbulon çështjet e pushtetit vendor;
- b) Zëvendësministrin që mbulon çështjet e mbrojtjes dhe të emergjencave civile;
- c) Zëvendësministrin që mbulon financat dhe buxhetin;
- ç) Zëvendësministrin që mbulon çështjet e infrastrukturës së mbetjeve;
- d) Zëvendësministrin që mbulon çështjet e arsimit;
- dh) Zëvendësministrin që mbulon çështjet e drejtësisë;
- e) Zëvendësministrin që mbulon fushën e shëndetësisë;
- ë) Zëvendësministrin që mbulon çështjet e integritetit evropian;
- g) Zëvendësministrin që mbulon çështjet e bujqësisë;
- gj) Përfaqësuesin e kabinetit të ministrit të Shtetit për Mbrojtjen e Sipërmarrjes.”.

2. Pas pikës 9 shtohet pika 9/1, me këtë përmbajtje:

“9/1 Mbledhjet e Komitetit organizohen dhe asistohen nga sekretariati teknik, rol të cilin e kryen sektori teknik për mbetjet pranë ministrisë përgjegjëse për mjedisin.”.

3. Pika 10 ndryshohet, si më poshtë vijon:

“10. Në mbledhjen e parë të çdo viti, Komiteti miraton programin e punës. Në rastet kur në Komitet paraqiten çështje të reja për diskutim, që lidhen me menaxhimin e integruar të mbetjeve apo me situatat emergjente mjedisore të krijuara, kryetari propozon rishikimin e programit dhe ia paraqet për miratim Komitetit.”.

Ky vendim hyn në fuqi pas botimit në Fletoren Zyrtare.

KRYEMINISTËR
Edi Rama